

عدد — ۵۶

امور اداره و تحریریه و اعلانات و ساثره
ایچون مدیر مسئوله مراجعت ایدمللیدر.

هرقای امتک مقالات منصوفانه لرینه
جریده صوفیه تک صحیفه لری
آجبقدر .

جریده صوفیه

شیمدیالک هفته ده بر نشر اولنور .

تصوفی ، دینی ، اخلاقی ، سیاسی جریده اسلامیه در

نسخه سی ۴۰ پاره در

ابونه سی : بر سنه لك اعتباریه ممالك
عثمانیه ایچون ۴۰ آلتی آیلغی ۲۵ فروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسمود
جاده سنده نجم استقبال مطبعه سی

و یا ماحی الخطیئات ان کان عبدک محسناً فزده فی حسنه وان کان مسیئاً فاعف عن سیئاته و یا من کان بكل شیء خیراً و یا من کان بمباده بصیراً حاسب عبدک حسناً بصریاً و ساعده صغیراً و کبیراً فزل الخطاب من العزیز الوهاب ان لاتفشو اعدی فاما حسابه عندی و لیفرح العبد الناهی فان قریب اجیب دعوة الداعی .

روح مذکور ، آلدینی اودفت اعمالی اوقوروب نفسی محاسبه آلہرق جناب اللہک رحمت و نعمتک و سعتی ، عطا و احسانک کثرتی کورنجہ ، و آلدینی احسان و نوالی برکرمہ کندی عملیہ موازنہ ایدرک برسنہک طاعتک آزرمدت اودوق نعمتہ بیلہ مقابلہ ایدیلہ . میہجکفی بیانجہ ، ہان حالی مستغیر ، و قلب و بالی دہ قورقوسندن اوچمہ مباشر ، اولوب : قوم و عشرتمک وای حالہ اہلاک اولسون ، و اسفا ہم دایمہ ، عوجہمہ ، وای مصیبت دھومہ ، احزان و غمومہ ، کاشکی آنہم فی طوغرمامش اولیدی . ہیچ خالفہ حقیلہ عبادت . لائق وجہ اوزرہ طاعت اولہیلیری ؟ یاخود برعید عاجز نعمت الہیہی صابمہ قادر اولہیلیری ، یا : حدودنا الہیہی صوک درجہہ ایفا ایلہیلیری ؟ یا ، جمیع نعم الہیہک حدودشکری اتیان اولہیلیری ؟ دیہرک جناب اللہ بزم کافی در . اللہک معاونت و توفیق اولقسنزین برجہ شکر و عبادتہ قادر اولوق ہیچ متصور دکلدہ . برجناب اللہک تحت حکم و فرمانندہ عموماً محکوم بن امری بالکز جناب اللہ تقویض ایدرم ، دیدی . و قلب رفیق صاحبی متفرع کنی آم و ام ایدوب متعاقباً کوز یاشلری دوکدی . درونندن محرق ، آجی ، فریاد و فغانلر چیقاردی . نہایت کوکدہ کی ملکار کندیسہ مرحمت ایدوب آجیدی ، آغلامی ایچون ارواح سائرہدہ آغلابارق نوحہ ایدوب رفع اصوات ایلدی ہان ملائکہ و ارواح حاضرہک عمومی شفاعت ایتک اوزرہ قالدیلر . و : ای عطا و احسانیلہ قوللریک قباحتی ستر ایدنا ای قوللریہ دعا و نیاز ایتک ایلہ امر ایلین ا ای بتون مخلوقاتک بنہای حضرت محمدک : صلی اللہ تعالی علیہ وسلم و آل و اصحابک ، اوزرینہ ازال رحمت و نغمت ایت ، و بوقولککدہ فزعلری ، شدتلری ، ازالہ ، قورقوسنی تسکین ایلہ ، امل و ارزوسنی خائب و خاسر ایلہ . ای نعمتاری ضایلہ میان ا ای حد و ثنائی کاملاً ایفا اولنہ میان ا ای عطا و احسانلری تعداد ایدیلہ میان ا ای عطاری توکنمیان ؟ بوقولکک لطف و عنایت ، آغلامسنہ مرحمت ، دعاہندہ مجرد کندی فضل و کرمکلمہ اجابت ایت ، ای قولنہ دیکرندن ارحم اولان ا ای قولنک خیر و شری اعلم اولان ؟ امر ذاتیسندہ متحیر قالمش ، شکریکی ادا ایتکدہ کی عجزنی دہ اعتراف ایتکدہ بولمش اولان بوقولکک رحم و عنایت ایلہ ، ای حسنائی احسان و سیئاتی دفع ، خطیئتی محو ایلین ا اگر بوعبدک محسن ایسہ حسنائی آرتر ، مسیئتی ایسہ سیئاتی عفو ایت ، ای ہر رشیتہ خیر ا ای قوللری بصیر اولان ا بوقولکی قولای برحساب ایلہ محاسبہ بیور ، و بیوک کچوک کنہلریہ مسامحہ ایت ، دیدیلر .

صید و شکار اولسوق ! علمک ارتساماً اولدینی اعتقاد ایدیورلر . جناب حقک علمک معلومہ تعلقی معلوم حد دانندہ نہ ایسہ علمک اولہجہ تعلقی علمک اومعلومہ ہیچ برصورتہ تأثیر و سرائی اولدینی کوستر . اعیان ثابتہ شئونات ذاتیہ حق دکلیدر ؛ شئونات ذاتیہ حق ایسہ ازلاً ، ابدآ تغیر و تبدیلدن معرادر . (اسرار قدریہ) ایکیدر . برنجیسی حضرت خداوند کریم برکیمسہی اکام ایدرکہ عین ثابتنہی تحصیلہ بذل و اہتمام ایدر . اولہجہ ارزو ایتدیگک شیء تظاهر ایدر . ایکنجیسی عنایت حق ایلہ اوکیمسہک حجابی دفع ایدر و اولنک عین ثابتہ سی اوکا کوستر . اودہ عین ثابتہ سی کورور واکلاراکر اوقولک عین ثابتہ سی مظهر اسم جامع الہی ایسہ اوکیمسہ اولہجہ حقایقہ کندی احوالہ کندی غیبندن مطامع اولور . فناک جوق حقایق اراتہ ایدر . بالکز حالیمہی خایر خایر بتون احوالہ مرتبہ جہت جامعیتی سیدیلہ احوال عالمہ واقف اولور . اللہ برقولنہ ہدایت ایدرسہ کاشاندہ جریان ایدن بتون حقایق کوستریور . اکلایور ، بیلدیریور اودہ کوریور ، اکلایور ، بیلدورده ہیچ برکیمسہ افشا ایتجیور ہرشی زمان ایلہ انکشف ایدر . ینہ زمان ایلہ نتیجہ پذیر اولور .

مشوینخوان

مقامہ صوفیہ

ماہد

فلما قرأ کتابہ وحاسب حسابه ورأى سعة الرحمة ووسعة النعمة وكثرة الآلاء ووفرة العطاء ووازن النوال بالاعمال وعلم ان طاعة سنة لا تقابل نعمة سنة تغير حاله وتطير باله وقال يا ويل رهضى وقوى ويا خسارة خلى وعى وواحزنى وواهمى ووا كرى وواغنى ولتبنى لم تلدنى اى هل يبعد الخالق حق عبادته او هل بطاع حق طاعة او هل يقدر العبد العاجز على احصاء النعماء او هل يمكن استقصاء التناء او هل يؤتى بشكر جميع الآلاء وقال حسبن الله ولا قوة الا بالله وانا لله وافوض امرى الى الله وتأوه وتأوه الاواء فصب العبرات وتصد الزفرات حتى رنت له الاملاك فى الافلاك وبكت لبيكاته الارواح ورفعت الاصوات بالبياح فقاموا له شفيما وقالوا جيمعاً اللهم يامن ستر العباد بالنوال ويامن امر العباد بالسؤال ويامن هو المرجع والمآل صل على النبي محمد وآل اصرف عن عبدك احواله وسكن عنه اوجاله ولا تخيب آماله ويامن لا تحصى نعماءه ويامن لا تستقصى ثناءه ويامن لا يمد آلاءه ويامن لا ينفد عطائه اللطف بعبدك وارحم بكاءه واستجب بفضلك عنه دعاءه ويامن هو ارحم بعبده من غيره ويامن هو اعلم بخبره وبشره ارحم عبدك الخائر فى امره المتعرف بالمعجز عن اداء شكره ويا واهب الحسنات وبادفع السيئات

در عقب جناب عزیز و هاب طرفندن : قولك حسابی تدقیق
ایتمیکز . اونك محاسبه سی بنم نزد الوهیتده در . کنناهارنی اظهار
واقرار ایدن اوقولده فرخناك اولسون، چونکه بن قولایمه قریب ،
ودعا ایدنلرك دعا سنده مجیم ، دیه برخطاب بشارت نصاب شرفنازل
اولدی :

کمال الدین خرپوطی

اجتماعیات

قال النبی (صلم) خیر الناس انفعهم للناس

مسلمدرکه : هر انسان کنندی محیطنك مرخصیدر . آتی ، عقل
واده مقارن اولان افعال و حرکات مدوحه-سندن ، هیچ برشی منع
ایده من . بو صفترلره تمیز ایتمش وجودلرده ، « ایکی خصلت مذمومه
برلشمز ، بری (بخل) دیکری (سوء خاق) در ، خیر و شر ،
عاقلك اختیاریله تمین ایده جك مسائل نقلیه و عقلیه نك معکس استدلالی
اولوب ، هر برعافل وعاقله نك خیر و شری بیلمه سی ، و عقلی باشنده
اولانلرك علی الدرجات ، ادبی اولمی طبیعی و ضروریدر . لهذا بویه
اولوبده ، ابنای جنس-سنه منفعتی دوقونمیانلری ، معاونندن منع ایدن
نهدر ؟ شهنسز محیطنه ترتب ایدن لوازم انسانیه نك بالالتزام عدم
اجرا سیدر !!! ایشته بوکون حکومت عثمانیه مزه ظهیر اولوب ،
اعدای بدطینت و خونخوارك ، احتراصات شنیعه و جانیانه سی بوزندن ،
حیات اقتصادی و اجتماعیه-سندن محروم قالمش بولونان ، افراد مظلومه
عثمانیه نك کریه خونانی سیله جك و یوزلرینی کولیدر-جك ، هلال احمر
و معاونت ملیه جمعیتلری کبی ، خیرخواهان امتك ینسان خیریه و
تثبات وطنپرورانه-سنه پیرو اولوق ، عقل و ادب نك خطابان محقه و
مؤثره سی ایجابا-سندن ده کلمی در ؟ عجا بنیان-دولتی تأسیس ایدن تورکارله ،
کنندی اداره لرندن یوز چوروب ، زیرا جناح رأفت و عدالتنه التجا
ایدن صنوف مختلفه عثمانیه نك مال ، جان و ناموسلری ، نه واسطه ونه
صورته وجوده کلش ونعت تأمین آلتهدر ؟ بلاتردد - منہاج سلامت
وسعادتمز اولان کتاتب-مین و آنك امر بیوردینی عدل واحسان ایله در .
(احسان حسابی بیلنلرده تجلی ایدن بر صفت ممتازده در) خلاصه مقال ،
بدایت تأسیسمزی و حکمداران معدلت عنوانمک ، امور اداره-ده کی
اجتهادات مشروعه مشکوره و اسلاف ذوی الاحتراماتمک ، مساعی
جهان پسندانه لری نظر انتباهه آلوده ، کندمزه لایق کوره جکمز
مسلك معقولی طونه رق ، مالی ، مسلکی ، اولاد و عیالی غائب ایتمش
قارداشلر مرک معاونت ومظاهرتنه شتاب ایده لم !!! (ان الله یا مر . . .)

نص جلیلی رهبر فوز و ترقی بیلدرک و بویه جک قبول ایده رک ، وارلنمزی
کوسترلم ، کامیاب عز و رفاه اولم .

اسماعیل حق

اسلاف ، اخلاف

انسانلر شوجهان ولوله کلدیکی دقیقه دن اعتباراً یاشامق ، اعتلالی .
شرفلی بولار قطع ایتمک هوس-بیله نملر کورمش ، نملر کچیرمه مشلردر .
ینه او انسانلرکه عین زمانده او دهرک پارچه لایجی ، آغلادیجی ،
حتی انتباهه دعوت ایدجی کاله لرینه ، ولوله لرینه کوکس کریورلر .
نیه او غرادینی بیله میور . ینه او انسانلرکه چالیشه ، چالیشه دوشه قالمه
شانلی ، یاخود کور برماضی به مالک اولیور . ماضیسنك شانلی عصرلرینی
حالنك بالعکس شاشقین دقیقه لرینی دوشنویور . اسلافنك فکرلرینی
اثرلرینی درخاطر ایدرکن اونك بارقه نما قوتلری سایه سنده استقبالی
آله بیلور . دور تجدد واعتلايه آدیم آتیور ، ایشته اونك ، اوزمان
اودقیقه دن اعتباراً هب مفکره سی بوقله بن ، ذهنی طیرمالایان اسلاف
قورقوسی ، اخلاف قورقوسی اولیور . بوده آروجه برانقلاب ملی ینه
آروجه برصفحه ترقی در . بوانقلابک غایبه سی استحصال اولندی؟
اوراده آرانیله جق نقطه ینه اسلافک عزم معقول ایله اوغراشوب
تحصیل واکمال ایلیه بیلدیکی خدمات برکزیده ایله آثار نفیسه سنه ایدبله جك
خدمت کوستریله جك رغبتدر . اگر اخلاف اسلافنك اوغراشدینی کی
اوغراشیر و اوغراشدیررسه ، هرزمان ، هر دقیقه حتی عصرلرجه نام
و شانی جناح عاطفنده صیفنمغه مجبور ، اعتلارده کندیلر ینه آغوشی
استقبال اولور . نه دییم ، نه دیملی بکمه اسلاف ایله اخلاف آراسنده کی
مناسبات قطعیه بی ، میل مربوطیتی حقیله ادراک ایده میورز بیله میورز .
حتی بیامک ایسته میورز . نتیجه ده هرشیده مفقودی وضعیتلر آلیورز .
آلمقندن اوصانمیورز . عجا اخلافز بوحرکتلریمزدن بمنون قاله حقمی ،
آنلره حقیله مالک اوله بیله جکمی ز . نه وقت بوقورقولی حالانی ، بویوک
نقصانلریمزی اعترافاً بر طرف ایدوب ، اسلافیزی باخصوص آنلرک
حرکاتی نظر اعتباره آلورده آنلرک کیدیشلرینی تقلید وتطبیق ایدرسک
استقباللرک انکشافنه ، تمادیسنه ک بویوک واسطه بی کشف ایتمش اولورز .
تاریخ بوخصوصده شهادتی بالذات ایفا ایدر . بزم قصورلریمزی
برر برر سویلر ، اسلافک ایی لکترینی ، ایی کیدنلرینی برر برر سچر ،
میدان حقیقه ، صحرای انتباهه صاچار . بز بونلردن کندمزه بررحصه
چیقارمیلی ز . چیقارده جق اولورسک ایی ، شانلی ماضیلره صاحب
اوله بیلیرز . اسلافی تقدیر ایده مینلر ، نملر اولمشلر ، ایدنلرسه نملره
نائل ، نه املاره موفق بالخیر بولمشلر . حالبوکه اسلافی حرمتله ماد